

# 清代詩文集彙編 四五〇

紅杏山房詩鈔六卷（燕臺賸瀋一卷南行草一卷滇蹄集三卷楚艘吟一卷）

紅杏山房試詩一卷紅杏山房試帖詩一卷漢書摘詠一卷後漢書摘詠一卷

同館賦鈔一卷不易居齋集一卷豐湖漫草一卷豐湖續草一卷 宋 湘 撰

詠史擬古樂府二卷麻田詩草八卷麻田詩草補編二卷 陳 啓 撰 一四九

實事求是齋遺藁四卷實事求是齋遺藁續集一卷 汪 廷 珍 撰 二七五

采馨堂詩集十二卷 張 瓊 英 撰 五三七

白水堂詩集二十六卷 張 瓊 英 撰 六一九

嘉慶庚辰春刊

# 紅杏山房詩鈔

紅杏山房詩鈔

題辭

淋漓元氣充塞高厚人隨化運孰能窺編有大力者  
負之而走陶冶在心端倪在手或一卷書或一杯  
酒興來莫遏揮斥萬有強作品題杜師韓表贊  
先生曰然否否

館侍長洲顧 莼

紅杏山房詩鈔

題辭

一

紅杏山房詩鈔

目錄

燕臺臚潘

一卷

南行草

一卷

滇蹄集

卷一

卷二

紅杏山房詩鈔

目錄

一

紅杏山房詩鈔

燕臺臚潘 一卷

嘉應宋湘芷灣

余自嘉慶乙丑歲入都散館居詞垣今癸酉歲  
出守計優游燕臺者九年自愧才學薄淺不能  
配古作者所有恭紀

朝廷大典禮詩歌無一足存其餘酬應文字心  
自薄之了事卽不復省覽間遇登山臨水與夫  
交遊唱和書畫題詞之事性不耐煩多不起草  
清酒三升振筆揮掃爲快他日有傳其句爲笑

紅杏山房詩鈔

燕臺臚潘

一

爲誦者余多不知爲余語也此若干首乃從友  
人案頭錄記者攬之以歸因題曰燕臺臚潘蓋  
千百中之十一聊以誌一泥一爪云爾嘉慶十  
八年九月四日楚江舟中自記

陳石士編修

用光

用王半山贈蔡天啓詩韻

見贈次韻和答

詞壇如戰場健者弧螯挾寧得李廣翼莫抱趙括  
後又如設賓筵有筵有不筵大乃鼎鼐調小亦水  
火燮不然客絮羹不然敵刺脇復如陳百戲解關

誰敢輒百步場始闢十二九再接更如開名園不妨趣日涉極年癡寧妖柳日汁豈魔不然繩何技不然濯何業伊余老無成狠言生可攝星星頭垂髯蒼蒼鬚學鑷龜卑子弗跨背駘孫已躡四方使鱗口兄弟非不協篋搜蛩已吟俸來鼠先謀蓬門僧閒敲花茵犬急憚長此孟嘗窮安能郭解俠神仙世豈有蓬萊石所疊要路世豈無跛躄足不捷常時丐竹詩中間乞米帖聊招吟魂還稍勸酒腸慙突兀荷吹噓崢嶸起惟怯先輩飛騰賤子久

紅杏山房詩鈔

燕臺賸書

二

埋撼日者岐陽蒐時也之罘獵謂翰詹大考有女不得柔有婦不得饁床愁子反登劍懼專諸劫大旗張餘腥小旆插艘牒鼓耳晨雷鳴馬目夜電曉亦擬決昆陽誰甘走宛葉鬼有問淫昏符或求劾厭紅旗看人揚黃口向我噉軍門心猶雄婦室輔則囁春風歸搖搖秋雨來滛滛黠者何閒閒愚者徒喋喋栖遲鷄膠膠追維鷺站站濕鼓常沈沈長城故累累陳子妙瀟酒莊生仙蛺蝶世業斷輪手生小懸河煩清有楊黃眉艷亦桃花靨巧剪六銖衣拙

刻三年葉注力古文章餘事詩妥帖當其縱筆時顛倒塗訴牒氣爭長河流力努太華躡朝秣元祐門夕刷開元牒連日談杜蘇詩陪身半牀書結交一函鉢驚下亦何有感激思躑躑君詩來陽陽我和恥牒牒亦治侯門鯖亦用堯厨簞亦磨吹毛刀亦纓汗血鬣亦魚龍曼衍亦都盧跽摺亦芙蓉爲裳亦木蘭作機咄哉廣長舌試叩華嚴篋

登瞭鷹臺

元室君臣夜獵歸國門畱此瞭鷹臺寒沙立馬荒

紅杏山房詩鈔

燕臺賸書

三

荒沒落日盤鵬故故來飛放泊前空水濶醫無閭外陣雲開書生不解腰弓矢懷古登臨暮角哀阮芸臺師携游萬柳堂堂改爲拈花寺且荒顏矣歸酌于積古齋同人皆得四首欲問新荷曲山僧早白頭不知殘照柳誰見昔人遊載酒還今日看山一上樓眼前秋滿地不信佛無愁鐘臥頽垣上蛩吟折竹前蘆花荒九月池水漫諸天興廢關何事琴尊續此緣拈花叅一笑莫是祖

師禪

五百年前宅何人認此門頗聞馮相國如飲趙王  
孫裙屐秋雲散魃魃古瓦蹲可堪枯樹賦不是子  
山園

我輩還陳跡古人其奈何出門鐘磬遠歸路鳥鳥  
多涼月携襟袖清尊掃薜蘿翻嗤廉孟子文酒落  
笙歌

荅徐曉初同年卽送其歸省

富貴猶無益聲華况已輕生兒休識字誤我是浮

紅杏山房詩鈔

燕臺賸寄

四

名耕牧青山失風塵白髮生相看同一笑垂老竟  
何成

今日明人眼書來別我歸念誰堪久客况子有慈  
闈舟楫期秋好鄉關正鴈飛到家翻一涕阿母舊  
縫衣

見張船山歸田詩卷因次其韻

京華詩侶近應稀

蘭雪

吳博士船山次第歸蘭雪

脆如跳雨鼓船山警似著風旂若論才力渠都健  
倘問腰肢我稍肥出處相望忽南北焉知誰是與

誰非

也知頭腦讓時賢逐臣何如逐種田牛馬尚餘奔  
走債江湖不斷夢魂緣詩關何事猶消福酒更傷  
人可學仙重續韓公題二鳥啾啾一向隔山傳

記說當年掣海鯨看君揮手上層城世無李杜千  
秋業人有江河萬古情少壯不來成草草旌麾初  
出竟行行多應到海波瀾盡纔信畱山泉水清

萬事都須付醉鄉詩豪贏得一錢囊但逢山水家  
應任得少行藏道已光我正不眠愁燭短詩來相

紅杏山房詩鈔

燕臺賸寄

五

封喜箋長何人爲奏南飛鶴慰汝支離老酒狂

查大理

淳

家藏謝文節橋亭卜卦視屬余爲

詩

摩挲澹墨玉庚庚想見夷齊萬古情國既無人焉  
問卜臣猶有母此理名從容豈愧文丞相流落曾  
聞玉帶生同是山頭一方石人歌人哭至今并

題桂香冬同年過雁樓卷子樓藏米襄陽書

天衣懷禪師碑墨跡中有雁過長空影沈寒  
水水無留影之心雁無遺蹤之意之語取以

名其樓云

予無所住處生心雁過長空影水沈彈指樓臺齊  
湧現是誰八剎與雙林

叫賊還應手托開向前搗定亦何哉天寒桶墮通  
身汗古佛懷公去問來俱用碑中語

水無留影雁無蹤米老英光亦偶逢稽首皈依稽  
首讚亦用碑中語滿樓明月一聲鐘

南西門外遊春卽事

好雨連番春已歸柳梢深淺綠成圍踏青天氣晴

紅杏山房詩鈔

燕臺巖海

六

三日賣酒人家水半扉草色盡迷公子馬花香都  
上美人衣由他沙暖鶯鶯睡莫打蘆芽惱鸞飛

尺五莊納涼同馬秋樂太常言舉雲太守

半荒半廢園誰主不敢不關門好推窗竹得風隨  
意綠池荷經雨盡情開真成韋曲花無賴況有新  
豐酒載來明日莫傳圖畫徧亭衣絲髮對莓苔

城南明氏莊納涼適余手持摺疊扇爲吳蘭

雪自書萋香軒雨集之作遂用其韻

萬事莫如游約急曉露霑袍草香濕三分池館七

山林下馬徑須花裏入花梢高掛青油笠

不雨不日林風涼城外晝比城中長況是花壁青  
竹墻酒邊安得生夕陽西山勸客飛千觴

五十老翁醉露頂白髮滿頭媚花影此心忽落江  
湖艇江湖艇子風蕭蕭秋在蒹葭尖上招

初願園餽菰菊圖命題

插到黃花萬卉愁自來重九是深秋先生別有閒  
情緒要種黃花幾百頭

街頭白酒儘人賒壓擔霜螯郭索爬莫怕西風吹

紅杏山房詩鈔

燕臺巖海

七

血冷隨翁前去採黃花

題方有堂方伯詩卷

留侯狀貌如好女淮陰怯弱生可憐項羽拔山氣  
蓋世當年對酌高談天一別六載不得見得讀新  
詩如對面對面叱咤風雲生似與成臯漢王戰吁  
嗟鄴下曹劉死四海何人磨一矢壁上之觀吾老  
矣

題葉東卿所藏青羊宮流傳萬里橋西一草

堂規

萬里橋西一草堂誰知香火附青羊

青羊宮道士實司少陵祠

堂香記從奉使窺沙碧曾與同人煮笋香

余于丁卯典蜀

試出關得謁桂祠壁上已無金簡字隣家猶有薜

花床摩挲此片流傳硯藥裏書籤感慨長

李將軍詩

將軍名長庚賜諡忠毅

入海斬蛟登山射虎壯士出門寸心報

王生也臣不敢知死也臣不敢辭臣知殺賊而已

焉知生歸死歸汝賊蔡牽汝何么麼海水四晏無

風鼓波汝賊蔡牽汝何多狗信信血人千里牙口

紅杏山房詩集

燕臺賈齋

八

汝賊蔡牽我來將軍將軍飛來汝聞不聞汝賊蔡

牽汝何不柁上天入地將軍殺我汝賊蔡牽汝何

不弓出日入月將軍如風汝賊蔡牽汝何不死罪

大海小將軍守此迷迷離離將軍之旗歌歌無舞

將軍之鼓將軍曰刀蒼天晝高將軍曰矢怒潮夜

死吁嗟乎臣不滅賊臣甘死賊臣且滅賊臣竟死

賊海水無情天風盡墨臣北面稽首謝

天子聖德

天子無悼臣臣死臣之職大海為湯天所圍雲車

風馬神靈來上帝許我泉厥魁明年蔡牽死戰士

休徘徊龍宮開靈風回

居家四詠同馬秋藥前輩

和香

南人屑沈檀北人繩蒿艾良賤豈不殊草木有媚

代我以意爲之沈檀塞其內和光而同塵不進亦

不退

台藥

我身自無病無病有何藥必以藥治病譬之尋斧

紅杏山房詩集

燕臺賈齋

九

鑿神農上古心後世敢言薄君但味風味飲之勝

羊酪

釀酒

四月桑已落屋角酣鳴鳩感彼綢繆意念此萬古

愁客居五六年無婦與誰謀艱難嫗僮僕黃土封

貧頭

醃菹

昔聞蘇易簡釐汁誇上前此語似巧託其理則固  
然土膏沃風露安得不芳鮮所以范文正與粥俱

千年

以絲瓜扁豆秧分遣馬秋藥前輩承以詩謝  
卽次元韻二首

絲瓜

新居闢菜畦瓦石因砢硤葦籬幸已編青蔓行當  
索十里南西門萬卉關強弱絲瓜亦何有奴眼習  
葵藿壓擔暮歸來香泥裹重簪一一規地扶行行  
傍階蒼及代定何時蛙聲初閣閣園叟手未洗庖  
人心已削學藕知未能擬尊豈有託偶此遺芳隣

紅杏山房詩鈔

燕臺賸齋

十

詩來慰索莫

扁豆

瓜秧五六本媵以豆如酥有如嫁村女塗抹竈下  
妹嗟爾竈下妹慎勿嗔我疎此去近詩老水木如  
吾廬有葉當有花宜碧更宜朱秋風復秋雨我來  
棚下趨戰茗倒七椀說法翻三車翩然下一蝶小  
立亦斯須瓜大豆自小花實俱可娛二老各有贈  
此寵人世無

讀李密傳同馬秋藥前輩二首

紅杏山房詩鈔

元感當年是覆車長安決策舊何如崎嶇大弟真  
無謂草昧羣雄未易居既不項王尊義帝寧堪張  
耳斬陳餘瓦岡諸將誰憐汝辛苦黎陽一老徐  
桃林谷口勢倉黃末路英雄亦可傷事業竟成唐  
勝廣謠歌終應李逃亡八關躍馬原非易失仗騎  
牛自不妨何至無人說遺事也曾有眼識秦王

阮芸臺師命題靈隱書藏圖

靈隱有書藏始自大清嘉慶十四年其書濫觴二  
三策其藏七十厨字編字起驚嶺訖石橋起訖偶

紅杏山房詩鈔

燕臺賸齋

十一

隨詩所言

用唐詩驚嶺驚岩對天二複字以後別

厥前

詩複對天二字用後誰其王者老僧二月給

六金香火便授以一銅印

編印書之端署以四大

字大開藏之門經史子集後先至只以厨分不部  
分或述或作刻或寫人今人古俱無論但使此藏

如大海江淮河濟相追奔又使此藏如大賈明珠

大貝高崑崙豈無川與潦大海不言尊豈無雜與

碎大賈不言紛架構既濶遠事例亦簡寬遂使天

下士著述焦心肝燈火夜達曉搜索乾與坤遂使

後世士襪被梅花村不向鴻都門來打山僧廟於  
戲此藏誰所爲吾師浙江巡撫姓阮字伯元

何相文同年自金仲蓮舍人處見唐伯虎自  
書詩稿據而有之邀同人賦詩紀事余戲爲  
之唱

阮生好屐祖好財一時得失俱可哀相文好古亦  
一惑零縑斷絹忍作賊昨日炎蒸今日雨莊周正  
作蛺蝶舞忽然來登子反床大叫起看唐伯虎我  
睜兩眼覷數字負欺病壓風酸鼻向後五首亦可  
紅谷曰房詩鈔 燕臺賸瀟

十三

傷客情老况非顛狂就中嘉靖新元作眉色稍展  
心慨慷無端咏眼又咏視此老平生六詩見字勢  
畧無時世救老洗鉛華露眞面 詩卷凡七律六首  
一病起二醉臥茅  
簷落葉中三嘉靖新元四  
客中長至五詠眼六詠視 眼中突兀遇此快相文  
實之奚足怪自言却向金仲蓮可恨筆頭多狡獪  
悔道有他是何語况云聊以固吾圉 初見此卷云  
而勿與固請乃可獨惜仲蓮之悔道有他也云吁嗟  
亟書數語志之而後乃今爲吾家物也云云吁嗟  
此卷二百年前者誰王今誰先古而無死古之樂  
後之視今猶視昨王侯將相幾何人丹青鐵券還

蕭索區區文字巧語言此盟可尋亦可寒幸面一  
取逢一捨此見黃金彼見瓦傾身障簾夫何爲一  
生幾緇真閑雅相文過眼皆烟雲此舉仲蓮應笑  
君銅瓶嘈嘈風又起勸客一茶歌且止世上非無  
唐六如白頭題詩窗下死吁嗟乎白頭題詩窗下  
死得遇相文斯可矣

奉題禮烈親王骸箭圖應教 二首

禮烈親王箭傳觀血尙濃乾坤方失鹿風雨正  
飛龍霹靂掣天一颺颺穿甲重當時薩爾濟此物

紅谷曰房詩鈔 燕臺賸瀟

十三

最摧鋒

七葉傳孫子河山紀爾庸凌烟大羽箭洛誥古功  
宗世守刀同赤言藏弓自彤還聞有戰馬曹霸亦  
遭逢 王又有所  
乘戰馬圖

法梧門前輩玉延秋館圖屬題 二首

瀟洒梧門老官貧道自尊何人此描寫佳話到盤  
飧斷玉翻山骨提鐮倚樹根不看書滿屋眞認野  
人園 玉延著也梧門喜食之  
朱野雲爲作是圖云

夜雨開樽好秋風煮玉香窗圖知味少清淡得甘

長說士原無肉成仙信有糧平生牙慧及賣餅愧公羊

題趙家莽舍人菊隱圖二首

難怪中書隱中書隱亦良酒壺千日暖花枕一生  
涼老圃編籬落秋農護稻梁每言頭會白能插幾  
回霜

歲歲看花例今番我遠遊鬢開婪尾酒詩補打頭  
秋時典蜀試姓字新街換神仙大隱求君看車馬  
外門徑亦風流時呼菊隱中書故有新街換之句

紅杏山房詩鈔

燕臺贅瀋

齒

題蘭二首

楚山無語楚江長畱得騷人一瓣香風雨勸君多  
拂拭世間蕭艾易披猖  
此花應悔入離騷自佩靈均鬱不消今日天涯隨  
地有十分香處却難描

題慈竹長春圖後趙邃樓前輩

去日不可留白雲山上頭此日足可惜月光見顏  
色顏色如月光相望天一方望而不見兒心傷當  
時西風尚如許何況西風苦吹雨兒欲言之不能

語不能語心斷絕白楊蕭蕭四野雪何以雪何以  
月昔日忘憂花今成杜鵑血天壤無情焉可說君  
不見圖中之竹長青青竹上之涼終不滅

萬柳堂補柳歌爲朱野雲山人

我所思兮昔遊入古寺兮登樓華蘆花兮一水風  
蕭蕭兮客愁客何愁兮不言復吟兮短歎歎古  
人兮影滅羌去我兮百年百年如許暮鴉我與  
汝萬柳兮誰堂枯條兮風語今我來兮東風朝細  
雨兮濛濛柳十尺兮五尺夾桃花兮雨中牛莫傷

紅杏山房詩鈔

燕臺贅瀋

圭

兮吾桃馬莫損兮吾柳吾柳兮吾桃羌新栽兮山  
人之手我不見兮古人我逢君兮心親但年年兮  
補樹何今春兮古春

方有堂方伯寄示修少陵草堂之作語每及

余代柬却寄

風叫嚴城雪壓廬酒邊傳到蜀來書千年茅屋闕  
心極萬戶蒼生鼓腹初符剖文余應不忝卿呼子  
墨愧何如周南留滯頭都白舊夢雲山一起予

題漁洋先生煮泉圖

國初稱詩壇漁洋起山左主盟四十年有似中流  
舵味外別酸鹹宗風皈淡沱本之巖滄浪奉以佛  
正果意取救淫哇於義亦自可因思古風騷流別  
日以夥時運正或變人事洪亦瑣丈夫自剛健好  
女宜婀娜當其赴敵場焉能巧笑瑤效顰固失人  
學步乃非我所以三百篇無邪一語裏此圖誰所  
爲靈山得豁開七十二名泉剪之一活火發興旣  
瀟灑位置亦帖妥將非辨淄渾從此解韉鎖借問  
頭戴笠圖作戴笠像可真山飯顙我生百年後未許未

紅杏山房詩鈔

燕臺曠瀟

七

席坐披圖陳此詞窻西涼月墮汲泉定何處添薪  
吾亦頗

送客東遊

九月霜橋馬首東盧溝帽影側西風西山不識人  
中酒照舊斜陽落葉中

題吳子野黃山舊舫圖

何年流水出人間帶出閒雲總未還多謝山頭雙  
白鶴松門終歲不曾關

白髮紅塵話酒壚青山何處是天都人生多少回

頭事只博丹青一幅圖

小有餘芳坊名

小有餘芳酒一杯水邊亭子掃莓苔黃鷄白菜尋  
常味一到村頭便好來

癸酉四月十二日題朱野雲所作萬柳堂雅

集圖後寄呈督漕芸臺夫子時方憂旱

昨日訪朱八示我先生書書中意良苦字字非歡  
娛今日朱八來索寄先生詩我詩亦何有不敢傷  
別離別離豈不傷感時愁更長經冬不一雪一雪

紅杏山房詩鈔

燕臺曠瀟

七

分寸強入春不一雨一雨杯勺量去年看麥苗四  
月如雲黃今年看麥苗四月如草芒芒者且如此  
枯者奚所望都城百萬家醉飽因神倉邇來餅家  
餅下弦明月光借問價幾何上弦月未央

天子父母心何止如成湯況聞東南漕揵竹屯帆  
檣所仰微山湖尺水已咫尺漿山東與河南道陸難  
具詳但說道旁樹有骨無皮癯

天子父母心日夜格穹蒼所望諸大臣協恭召天  
祥所望諸小臣敬慎消天殃三日一以雨百穀抽

新秧五日再以雨平地秋陂塘七日三以雨魚肉  
輕乾稼

天子彈風琴臣工賡明良昨讀先生書鬱鬱愁中  
腸中外略相似難與外人揚偶一話嚙曩佳日花  
間觴春風吹故枝美人天一方乃者十數子重尋  
萬柳堂先生所舊游古壁懸琳瑯朱八老好事粉  
墨傳芬芳云將寄江南責詩如責償我非杜少陵  
殘杯安足嘗是日餘略不與會似曹景宗贖韻猶可商借  
此紙皎皎寫我心茫茫苦樂不相入異夢而同牀

紅杏山房詩鈔

燕臺賸落

六

先生見此詩將毋小子狂

送齊北瀛編修奉使冊封琉球

雲中仙侶早朝回封拜

天書落上台王世子

心依出口東諸侯國侯飛灰

凡使琉球往以此問夏至返以冬至

宮殿皆西向

琉球以中國在海西其宮殿皆西向云

使者旌旂正北

來多少

皇風說無外都將彩筆勒蓬萊

帆角天鷄夜半號搏桑東盡彩雲高百年禮樂陳

王會萬里躬桓繞

賜袍使者一品章服

海上魚

龍知日月心頭忠信定波濤騎鯨自古詞人事看

爾乘風去釣鰲

盆池菖蒲歌答陳石士編修

神仙服菖蒲貴石不貴泥泥菖與夏菖本草風所  
犁而我盆池中隨手蒔莖之初若田分秧雨日具  
不支漸如懷新苗剌剌交風漪久乃蔓孫子橫出  
不可隄秋風吹江湖葉葭生洲渚蓑衣青鷁笠十  
載輕拋離略此綴清景遠夢語誰知西江陳石士  
心眼偏好奇忽見紫茸花亟出游仙詞吁嗟石士  
癡復癡人生惟有釣竿樂白日升天亦何爲

紅杏山房詩鈔

燕臺賸落

十九

卽事

三車河水灌花荻一夜花牌次第排麻雀聲中清

夢醒橐駝鈴鐸過斜街

時寓下斜街

丁香開後海棠開芍藥牡丹相趁來十載朝官詩

一卷三分花事七街杯

紅杏山房詩鈔

南行草一卷

嘉應宋湘芷灣

嘉慶十八年歲在癸酉予由翰林出守雲南既  
念吏事未諳恐負

君父復念巢痕未掃再到何時出門之日勿勿  
茫茫如有所失水陸途中益復無偶萬物無端  
畢來懷抱積習未除輒復成詠凡得若干首是  
爲南行草

出守雲南留別園中花木

紅杏山房詩鈔

南行草

一

匆匆萬里出門時行過藥欄有所思老屋只容花  
住穩舊巢應有燕來知尋常風雨籬關早迢遞雲  
山竹報遲桃李海棠俱手植向人開折莫離披

河南道中書事感懷五首

十日河南路年荒不忍看青苗收藁易黃土葬人  
難不雨自何日有田同一歎草根能幾把過客亦  
登盤

三十萬糧賑饑民殊未知

結恩如此厚漕運到何遲

上命裁漕糧三十萬  
賑直隸山東河南三

省間之饑民未知也始知此事奉  
旨之後即當出榜以安民心盡室驅兒女無  
聲痛別離馬頭南北望何處去流移

亦知死不遠且復望生逃道踣無人哭春犁有夢  
操乞錢中婦踣賤賣小兒號恨不冥聞見人間竟  
爾曹

昨過古昆陽連邨夜刈糧平時散鷄犬今日聚豺  
狼此輩原拚盡爲官何策長天河無限水安得化  
成漿

舊縣一帶三日內搶八鄉  
莊已半方率領兵壯而出

保富談何易憐貧法亦難古來惟積貯一飽不波

紅杏山房詩鈔

南行草

二

瀾

帝德瞻天大民流歎海寬監門圖一幅誰奏  
九重看

夏口

仰祝浮雲逐鳥飛大江開處倒金壘稀星明月悲  
秋夜對酒當歌弔古來此水豈宜規戰地用兵終  
遜賦詩才江魚尙帶東風血一笑東坡舉網回

鸚鵡洲

兩日停橈鸚鵡洲接天波浪打江樓靈風尙帶二

撓怒芳草難消一賦愁從古異才無達命惜君多  
難不低頭秋墳莫厭耶醪薄何處曹黃土一抔

### 黃鶴樓題壁

笛聲吹裂大江流天上星辰歷歷秋黃鶴白雲今  
夜別美人香草古來愁我行何止半天下此去休  
論八督州多少烟雲都過眼酒杯多置五湖頭

聞曹懷樸謹鮑子堅庚縱酒慨然有贈兼呈

程雲芬庶常恩澤

芷灣一生悵縱酒芷灣縱酒何足言力不能荷戈

紅杏山房詩鈔

南行草

三

出青海才不能據枕眠神山徒能斬馬學同甫亦  
時呼猶如忽先龍鍾一老向洱海縱當成佛非生  
天爾來才子數曹鮑鮑子諸生曹省元二子同時  
兩神駿權奇突兀驚衆軟曹能踏天望西極鮑能  
踢地翻崑崙此才誕生勞大圓併萬人力爐一賢  
若稚老之氣蒼然黃金再鑄當天門伊余平生何  
所歡誰能顧盼花韉鞍獨於二子心骨纏此外更  
有程雲芬如何二子忽縱酒知章白眼浮青天二  
子矚目清且妍芙蕖五月風漪連曹子北堂尤可

憐其得鮑子生况家達度輟生攜千金一擲誰瓦  
全珊瑚鐵折收補難何不及早伐酒泉隸埋劉伶  
奴遣髡鼎彝錦襲貢

太廟騏驎黃帕歸

至尊芷灣髮白兩眼懸對君粉碎蒲桃樽念談念  
哉程吉士梁棟之材培厥根

### 襄陽舟中

頗頓槎頭縮項鰻秋風吹上楚江船秋江平遠秋  
山碧何處能詩孟浩然

紅杏山房詩鈔

南行草

四

### 荆山守風二絕句

楊柳梢頭絕好風人家涼睡綠陰中勸君休把石  
尤罵君自西征水本東

長年三老不須悲沽酒攤錢恣爾爲多得紀行詩  
幾首也供妻子話長時

### 連日守風吟詩度日風又大作又吟一首

物情相感亦相因重自招秋鳥自春難怪家僮背  
面笑江風未必喜吟人

### 次日風順復吟野嘲

原知波浪終須定試看揚帆得靜便世上遭逢多  
少事逆風天是賦詩天

弔東坡

東坡書與蔡允元但願來日復風天東坡莽莽乃  
之官小兒避學生可憐吾欲代訴天何言農夫只  
合春耕田東坡自誓江水前有田不歸如水然蜀  
山一田歲十千白粒粲粲供老泉粃糠可飽邁迨  
過子由溫溫加一冠弟兄父子相新鮮長髯大笠  
真可觀天下健者何闕闕牀下梁松富貴人千重

紅杏山房詩鈔

南行草

五

船頭月下

江風泛泛送行人江月逢人秋更親忽想二千年  
上事此間照過屈靈均

嘉魚江上懷馬林藥前輩履泰汪沅雲侍御

梅鼎筮繩齋孝廉立極皆詩畫妙手也

洲上水田青不極屋頭堤樹接天長三家兩家題

賣酒十艇八艇圍鳴榔人夜雨生虫細語過江風  
好枕新涼年來朝夕對三絕可惜孤舟逢此鄉

祭風臺

何處燒軍問劫灰舟人指點祭風臺靈旗暗轉江  
雲動古柏陰生水鶴來吳蜀君臣俱健者東南草  
木盡兵材誰教八十餘三萬赤得千秋一壁回

舟泊岳陽郭外

楚山千里來江上秋色三分入洞庭初夜星辰粘  
渚白落帆天地撲船青客心無寄吟山鬼舟路多

紅杏山房詩鈔

南行草

六

閒檢水經明日移橈向何處岳陽城郭樹冥冥  
舟中讀范文正公岳陽樓記

連朝風浪阻征期三尺蓬窓一酒卮遣悶無如開  
卷好對公真悔讀書遲先憂後樂何人語去國懷  
鄉此日知羹粥文章天下任教人長憶秀才時

岳陽樓題壁

纔吹黃鶴樓中笛又醉岳陽樓上來作客百年人  
易老防身一劍我何才乾坤風月爭漁艇今古功  
名借酒杯滿地江湖滿眼夢登樓那得不頭回

游君山

君山一點似湖雲，略比湖雲青幾分。  
滄海割來蓬島股，清湘拖到練光裙。  
岳陽城郭中流見，黃帝笙鐘上界聞。  
說與少陵應我健，真提印竹入蒼旻。

入洞庭

客自長江入洞庭，長江回首已冥冥。  
湖中之水大何許，湖上君山終古青。  
深夜有神觴正則，孤舟無酒醉湘靈。  
燈前欲讀悲秋賦，又怕魚龍跋浪聽。

公歸無久二章

紅杏山房詩鈔

南行草

七

公歸無久勵初志也時方出守自箴而永矢焉  
公歸無久官非公生初之有爾無益于

國爾芻爾豆爾馬之醜何不獻畝

公歸無久官非公一家之有爾無益于民爾車爾

馬爾士之醜何不釣叟

向漁翁買魚歌以贈之

漁翁爾我俱白頭，我買爾魚復何求。  
青山欲銜半邊日，唯見長江天際流。  
太用客子白頭行不了，漁翁一生伴江鳥。  
江鳥飛去復飛還，江湖不大青。

天小

江夜聞楚歌

莫是宮中舊舞腰，聲聲餘恨咽前朝。  
英雄兒女虞兮曲，落日哀猿下里謠。  
詞客有魂留夜渚，孤舟無伴讀離騷。  
如何一副千秋淚，不唱吾家大小招。

卽目

愛趁新涼拓曉疏，舟前景物道何如。  
秋風水國重栽稻，夜雨村人盡打魚。  
綠樹有門開野渡，青山無價憶吾廬。  
平生賸有林泉興，何日江鄉賦遂初。

紅杏山房詩鈔

南行草

八

大江

東諸侯長朝天子，百谷王門走大江。  
天起風雲扶氣力，地開吳楚出旂幢。  
無愁兒女沙淘盡，有恨英雄浪打降。  
誰奏銅弦鐵綽板，萬山明月入船窓。

感興

官船過處人環目，老婦幼兒排簇簇。  
直教看殺老東坡，彼自殷勤我感慙。  
當年我亦看官來，非仙是佛心疑猜。  
金銀燦燦霧中座，蕭管冥冥雲際臺。  
前童後玉女世間何物貴，如許我生亦是好男兒官。

今如虎人如鼠吁嗟乎好僧不在金佛身好道不在  
華嚴寺名士不在善罵坐好官不在能怕人我今  
前去滇南守知是豺狼是父母竹馬無情呼下來  
車乘翹翹畏我友

雜詠十一首

道德世衰歇刑名乃後起合之爲一傳亦未究厥  
旨老子五千言守雌而已矣鷄尸與牛從用之在  
神理不作百夫長徒作千人指人愛白頭翁甚於  
黃鶴子

紅杏山房詩鈔

南行草

九

秋風得人淒春風得人善夏日得人畏冬日得人  
戀四時迭相用一化而一變人情附所歡物理趨  
所見香草美人心和風君子面

我昔右子產而左子大叔聖人亦此言左氏傳可  
讀善政與善教孟子豈背觸天地亦此理水火非  
不睦但隨時所宜春溫夏乃煥臯陶舜所舉堯時  
宜碌碌

兩人來我前一爭而一讓兩物來我前一背而一  
向好惡與人同奚必觀所尚鼻上而口下睂目兩

依傍聖賢豈不尊光謙而悔亢養上乃治民信友  
乃獲上

逸馬不畏籠而畏一繩索啼兒不畏撻而畏一餅  
酪惡人不畏威而畏一杯酌君看泰山石一溜穿  
其郭

少小讀詩書日奉父師言苟非至愚下議論皆可  
觀氣質一用事如流濕就乾爲豬不足道爲龍滋  
可歎陰陽與剛柔偏勝俱爲患矯之在自訟豈必  
韋與弦君子進德業學問恆暮年

紅杏山房詩鈔

南行草

十

東坡非酒人時時說酒意歡少適有餘一語得了  
義粗才而大戶鮮不敗乃事陶公尙謬誤何況次  
公肆寧我恕醉人毋多酌我醉

灘水不半篙潭水深千尺千尺不聞聲半篙乃嘯  
嘯古之慎言人災不及其身豈惟見事理亦可觀  
吾仁凡鳥皆善鳴啾啾啾啾四隣鳳凰不善鳴一鳴  
天地春

東坡渡瓊海昌黎上華山當其危急時涕泗謝人  
間既出乃自笑何不從容焉道力豈不深文章潮